

Was hälsden von de nei Grawestrooß?

Ess iss doch gut, wenn merr enn Haufe Leit kennt, weil je mehr Leit merr kennt, desto mehr babbele mett oom. Unn weil merr dann vom Hinkelsche uffs Gickelsche kimmt – odder wies letzdens eine Dame gesacht hott, vom A...backe uffs Kuchebake –, werdd merr monchmol, wie soll ich saache, emotional, also gefiehlmäßig oogestumpt.

Dissmol wars de Heine, enn äldere, alde Nochber von mir – also er iss e bissi älter als wie ich unn mir hawwe gonz frieher so fast newernonner gewohnt –, der gemoont hot: Honnes, was hälsden von de Grawestrooß, so wie die umgebaut werdd?

Ei ja, habb ich gesacht, doodriwwer habb ich merr aach schunn moi Gedonke gemacht. Wonn ich dess richdisch verstehe due, dann werdd die so ebbes wie die Champs-Élysées von Flerschem.

Also, hott de Heine gesacht, dess waaß ich nit. Awwer ich habb gelese, dass aach Beem dort geplonzt werrn solle – moonsde, dass dort de Fassenachtszuch noch dorchfahn kennt, mett dene große Waache? Ob sich doodriwwer schunnemol ooner Gedonke gemacht hott?

Ich habb mette Achsele gezuckt. Dess waaß ich nit, awwer merr kennt sich joo doodenooch erkundische. Doo gibts doch bestimmt so Zeichnunge wo druff iss, wie die Grawestrooß emol aussehe soll wennse ferdisch iss, mett de Breit von de Fahrbohn unn mett de Krone von de Beem, unn dann misst merr mol die Flora messe – also nit die von de Zeidung, naa, die Flora vom Fassenachtszuch – unn dann in dess „verminderte Lichttraumprofil“, so heeßt dess halt, oizeichene. Donn kennt merr seh, ob die Beem jedes Johr gestutzt werrn misse odder ob de Fassenachtszuch iwverhaupt noch dorch die Grawestrooß gehe kann, ab Nächstjohr.

Doo frächt de Heine: Was sinn dann dess ferr Beem?

Ich saach: Also, ich habb gelese, dess wärn Chinesische Wildbirnebeem unn die dete gonz gut in e Stadtstrooß basse, weil die Krone dete so keechelförmich und nit rund werrn. Awwer ich habb aach gelese, dass halt bis 12 m hoch werrn kenne, dass weiße Blüte im Friejhohr hawwe und dass ihr Blädder im Herbst gelbrot werrn, doo kenne merr uns dann fiehle wie in Kanada. Unn nodierlich hott der Boom aach Frücht, die im Herbst erunnerfalle, wennse aach nit greeßer als Haselnüss werrn. Unn wenn die Blüte und die Blädder falle musse aach ooner eweckmache.

De Heine moont: Ess iss joo gut dass die Fassenacht im Winder iss, sunnst kennte die Narrn nix vom Waache werfe, dess det alles in de Blädder hängebleiwe, awwerr was in de Äst hängebleiwe dut, muss halt erunnergeschittelt werrn. Unn die Männer, die newerm Waache hergieh unn owachtbasse, die misse alls um die Beem erumlaafe, doo hott bestimmt noch kooner droo gedenkt.

Ich habb genickt: Dess iss on de Fassenacht, Heine. Awwers Johr iwver unn weil kooner mett soim Audo onemme Müllaudo vorbeikimmt, misse dann die Zeide ferr die Müll-unn Pabier-Abhollaudos im Blättche bekontgewwe werrn, dassden Umweech mache konnst, weil sunnst brauchsde e Verrdelstund, bisde hinner dene dorch die Grawestrooß hergefahn bist, immer im erste Gong unn mett vill Sprit unn Gestonk.

Doo sacht de Heine: Also wolle merr mol gesponnt soi wie dess werdd mett de Grawestrooß. No ja, wenn dess nix iss mett de Beem kann merr se joo später umhaache, weils Holz aach immer deirer werdd.

Eiern Honnes